

cipit interdum Dominus per Pseudoprophetas. In Bibliis 1532. 1540. 1546.

*Censura*, Licet Scriptura frequēter his verbis Seducit, Decipit, ac similibus vtaur: tamen interpretis partes erant, monere Lectorem, Deum nō esse authorem mali, nec seductionis, nec deceptionis: sed Scripturam indicare tātum diuinam permissionem.

Deum non esse authorem mali, confessum est inter pios omnes axioma. Iudicia Dei in meras permissiones transferre, neque Scriptura illis permittit, neque sani iudicij homines licitum esse putabunt. Neque enim tantū permittit Deus quū dicit, 1. Reg. 22. c. 20, Quis nā decipiet mihi Achab? Et diabolo suum obsequium offerenti præcipit ac mādāt, Egredere, &c: sed iudicis potestatem exercet: quemadmodum & Paulus ostēdit. 2. Thessa. 2. c. 11, vbi tradit Deū mittere efficaciam erroris, vt mendacio credāt qui noluerunt obedire veritati. Superciliose definiant cēsores, permissiue id totū accipi: at Scriptura reclamationem, dicens, Spiritum malū fuisse à Domino, qui Saulē ad malū impulit. 1. Sam. 16.